

Powšitkowne WOZJEWJENJA

njedźelu, 31. oktobra 2021

Wusyłanje Božej mše

Serbskorěčnu Božu mšu móža wěriwi tutu njedźelu, 31. oktobra, znowa jako livestream w interneće sčehować. Wona přenjesa so w 9 hodź. z Chróšćanskeje cyrkwy. Link na nju je pod www.posol.de a na wosadneje stronje podaty.

Modlenje w Róžeńće

Na modlersku hodžinu před wustajenym Najswjećišim su wěriwi sobotu, 13. nowembra, we 18 hodź. do Róžeńčanskeje hnadowneje cyrkwy přeprošeni. Pačerje spěwaja so serbsce a němsce.

Pomocna akcija za Pólsku

Towarstwo Cyrila a Metoda z.t. chce ze swojej akciju „Łužica pomha“ lětsa znowa diecezanski zwjazk Carity w pólskim Ełku podpěrać. Tam wjesela so nade wšěm, štož w swójbje trjebaš. Direktor tamnišeje diecezanskeje Carity, prelat dr. Dariusz Krućyński, rjekny, zo su z tym drasta, črije, higieniske artikle a kosmetika za žony a dźěći mēnjene, ale tež płokanski próšk, kuchinske graty, pampersy za dźěći runje tak kaž za dorosćenych. Wotedać móža so dary – po móžnosći w měchach – na sčehowacy-maj dnjomaj pola Špitankec w Zejicach, Kamjenska dróha 10: štwórtk, 4. nowembra, wot 15 do 18 hodź. kaž tež pjatk, 5. nowembra, wot 15 do 18 hodź. Pjenježne dary móža so na konto towarstwa přepokazać: Cyrill-Methodius-Verein e.V., IBAN DE 65 750 90 300 000 828 23 66, hesło: „Pólska“. Štóž sej darowansku kwitowanku přeje, měł swoju adresu podać.

Koncert z kwartetom OPUS 4 w Budyšinje

Renoměrowany pozawnowy kwartet OPUS 4 orchestra Lipšćanskeje sukelnicy wuhotuje pónđzelu, 8. nowembra, w 19.30 hodź., koncert w Budyskej tachantskej cyrkwi. Nawod změje Jörg Richter, wjelelětny 1. pozawnist mjenowaneho hudźbneho čělesa. Wobšěrny repertoire wopřija dujersku hudźbu z pjeć lětstotkow. Mjez druhim zaklinča twórby Claudija Monteverdija a Antona Brucknera. Koncert wotměje so w rjedže „UNPLUGGED w Budyšinje“. Zarjadowar je Budyski Ekumeniski tachantski wobchod, Rotary klub Bautzen/Budyšin jón prezentuje. Zastup je darmotny. Při durjach budže zběrka.

Prěnjowoprawjenske dźěći přeprošene

Dekanatne dušepastyrstwo přeprošuje wšitke dźěći, kotrež so na přenje swjate woprawjenje přihotuja, na zhromadny dzeń srjedu, 17. nowembra, wot 9.00 do 15.00 hodź. do Njebjelčic. Započatk je z Božej mšu w cyrkwi. Zajimcy njech so prošu hač do wutory, 2. nowembra, online přizjewja. Link je pod www.posol.de podaty. Za wudawki dnja zběra so wot kóždneho wobdźělnika přinošk we wysokosći štyrjoch eurow.

Čłonski přinošk zapłaćić

Towarstwo Cyrila a Metoda z.t. prosy swojich čłonow, zo bychu lětny přinošk za 2020 a 2021 na konto towarstwa přepokazali: Cyrill-Methodius-Verein e.V., IBAN:

DE 65 750 90 300 000 828 23 66. Přinošk wučinja wob lěto pjeć eurow.

Putniske jězby do Medžugorja

Klětu su tři termíny putniskich jězbow do Medžugorja předwidžane, stajnje wot soboty do soboty, a to wot 2. do 9. apryla, wot 10. do 17. septembra a wot 15. do 22. oktobra. Zajimcy měli so pola Gerata Róbla w Smjerdžacej přizjewić, telefonowe čisło (03 57 96) 9 65 40.

Pytaja hladarku abo hladarja

Dom swjateje Ludmile w Chrósćicach poskića džělowe městno za chorobnu sotru abo hladarku starych ludži. Mužoj smědža so runje tak wo městno požadać, kotrež hodži so hnydom wobsadzić. Mzda płaci so po tarifowych rjadowanjach Carity. Požadanja přijimuju z póštu, Zejlerjowa 4 w 01920 Chrósćicach, abo z mejlku na heimleiter@st-ludmila.de. Nadrobniše informacije poda nawodnica Mónika Wenclowa, telefonowe čisło (03 57 96) 94 73 30.